che ducati 375, grossi 5, siccome fo venduta la cadena fo data a sier Sebastian Justinian el cavalier stato orator in Ingaltera, come ha fato fede li procuratori sora il Monte Nuovo; per tanto tanta quantità sia posto per conto di dita cadena a l'incontro dil credito dil prefato sier Andrea Badoer l'ha con la 296 Signoria nostra. Andò la dita parte, ave . . . Et per la Signoria fo terminato non avesse il numero di balote, et fo rebalotà iterum de novo et pezorò, ave Tamen de jure questa parte non sotozase a la leze, di dar via le cadene ha li oratori nè li danari de la Signoria nostra; tamen cussì passò.

Fu posto, per li Savi ai ordeni: atento li corsari è sul mar, e per segurtà de le galie di viazi, sia eleto per scurtinio in questo Consejo capitano di le galie bastarde, in loco di sier Zuan Moro, à auto licentia venir a disarmar, con li modi etc. e debbi montar su una galia bastarda. Etiam se ne armi una altra pur bastarda ut in parte. Sier Alvise Mudazo Cao di XL, vol la parte, con questo si elezi etiam, per questo Consejo, X Sopracomiti per la banca a 4 man di eletion a cinque per volta. Et sier Antonio Justinian, el dotor Consier, vol la parte di Savi ai ordeni, con questo si elezi ditti Soracomiti per il Mazor Consejo. Et fo leto una parte presa dil 1499 in Gran Consejo, pareva li Soracomiti si avesse de cœtero a elezer per Gran Consejo, tamen da poi ne è stà electi per Pregadi. Hor volendosi parlar su le parte, fo rimessa la materia.

Fo stridà: primo far il primo Pregadi un Savio ai ordeni, in luogo di sier Marco Antonio Corner è intrato di Consejo di XL zivil, e tutti quelli si voleno far seriver si vadino a dar in nota, zoè quelli voleno esser nominati justa la forma de la parte.

Questo è il debito di la gratia fu preso ozi di far a sier Zacaria Bembo qu. sier Francesco, videlicet suspender li so debiti per anni do a l'oficio di le Raxon nuove.

Per il dazio di la spina 1511 ducati Al ditto officio per il dacio di la mer-	
cadantia »	
A l'oficio di le Cazude per tanse di suo	
padre	
A l'oficio Sora la Camera per salario di	
4 mexi quando el fo Provedador a	
Bassan, che è l'intacho di più »	39. 6
A l'oficio di Provedadori sora la revi-	
sion di conti »	6.—

A dì 22. La matina non fo letere da conto, ma 296° ben leto alcune letere con li Cai di X. Si tien fusse di Franza venute eri con le altre: di coloqui dil Re con il nostro Orator, et credo in materia di Ferara. Et li Savii voleno ozi risponderli per il Consejo di X con la Zonta.

Da poi disnar aduncha, fo Consejo di X con la Zonta, et si ave in Istria esser zonte 4 galie vien a disarmar, zoè sier Zuan Moro capitano di le bastarde, sier Zuan Antonio Tajapiera, sier Michiel Barbarigo et sier Nicolò Sanudo.

Et so letere dil dito capitano Moro e dil Tajapiera soracomito, una data a Valona, l'altro a Ragusi. In consonantia. Come, erano venuti olachi a far comandamento le zente andasseno a la Porta, perchè in la Soria el Gazeli si havia rebelato e fatosi signor, et che havia tolto arabi con lui. Item, per relation di uno zudeo, come il Sophi era venuto di qua di Tauris e fugato il presidio teniva de lì el Signor turco con occision di molti, e quel bassà era fuzito e passato su la Natolia; con altri avisi come scriverò di soto lete le saranno in Pregadi. Item, il Provedador di l'armada, di Corphù, scrive il caso seguito a sier Daniel Contarini qu. sier Alvise Soracomito, qual essendo a la Cania, vene custion quelli di le galie cum quelli di la terra, e lui volendo far restar di tal custion andò li e fece dispartir, unde li fo trato uno saxo che li de' su la testa, sichè venuto a la Cania de lì a zorni 4 morite. Lo lauda assai; ha posto per Vice soracomito sier Francesco Bondimier qu. sier Bernardo, era nobile sopra dita galia, justa la parte, e domanda sia confirmato.

In questo Consejo di X fo leto letere dil Bailo nostro di Constantinopoli, di 3 Novembrio. Come il Signor era homo pacifico, et vedendo el suo casnà esser stà trato un milion et 500 mila ducati, li parse di novo, e dolendosì con Perì bassà non havia danari, Perì disse: « Signor, non star di mala voja, vegnirà adesso tutti i sanzachi a farti reverentia e ti apresenterà et averai l'intrada poi, sichè presto si riempirà ditto casnà ». Scrive, il Signor havia fato apichar publicamente Feraga olim bassà, et questo con dir havia fato assa' manchamenti; ma era grandissimo inimico di Perì bassà, e morto il signor Selim, essendo Perì bassà il primo visir, lo fece privar di vita.